

2016-imut Ilasutissatut aningaasaliissutitut Inatsisissatut Siunnersuut

(Aningaasaqarnermut Akileraartarnermullu Naalakkersuisoq)

Saqqummiussissut

(Aningaasaqarnermut Akileraartarnermullu Naalakkersuisoq)

Aappassaaneerinninneq

Matumuuna Naalakkersuisut Aningaasaqarnermut Akileraartarnermullu Ataatsimiititaliaq 2016-imut ilasutitut aningaasaliissutissaattut siunnersuummik isumaliutissiissutaannut sukumiisumut qujassuteqarfigissavaat.

Aningaasaqarnermut Akileraartarnermullu Ataatsimiititaliap isumaliutissiissummini aningaasaliisarnermut periutsit missingersuutinullu inatsimmi aningaasaleeriaatsit arlallit pingaarutillit sammivai, Inatsisartullu taamaaliornermikkut malittarisassanik periutsinillu taamaalillutik pingaartitsinerat, taamaalillutillu pisortat allaffissorneranni aningaasaqarnikkut aqutsinissamut toqqammaviit suli pitsaasumik aqunneqarnissaannik pingaartitsinerat Naalakkersuisut nuannaarutigaa. Naalakkersuisut tamanna tamakkiisumik taperserpaat.

Taamattaq aningaanic nuussinermi inatsisitigut toqqammavissarisaminnik naammassinninnerannik Aningaasaqarnermut Akileraartarnermullu Ataatsimiititaliap naliliinera Naalakkersuisut iluarisimaarpaat.

Aningaasaqarnermullu Akileraartarnermullu Ataatsimiititaliap ilanngullugu Naalakkersuisut ilaasunik angallasinneq pillugu sullissinissamut nutaamik isumaqatigiissuteqarnerminni isumaqatiginninniarnermut piginnaatitsissut malissimangikkaat maluginiarpaa. Aningaasanut inatsimmi oqaasertaliinikkut Naalakkersuisut isumaqatiginninniarnissamut pinnaatinnearput, tassani Naalakkersuisut piffissami 1. januar 2017-imit 31. december 2020-imut sullissinissamik isumaqatigiissusiornissamik piginnaatinnearput, taannalu kingorna ukioq ataaseq tikillugu kingusinnerpaamik 31. december 2021-imut sivitsorneqarsinnaavoq. Naalakkersuisut sullissinissamik isumaqatigiissutit ilaanni ukiut sisamat tikillugit sullissinissamik isumaqatigiissutinik sivitsuinnaanermut periarfissiinermikkut isumaqatiginninniarnissamut piginnaatitsissut, taamaalillunilu oqaasertaliussani piginnaatitsissut annertuumik qaangersimagaat Aningaasaqarnermut Akileraartarnermullu Ataatsimiititaliap maluginiarpaa.

Kommuninut, Nunaqarfinnut, Isorliunerusunut, Attaveqarnermut Ineqarnermullu Naalakkersuisup tassunga atatillugu Naalakkersuisut oqaasertaliussani piginnaatitsissutip imaa killingalu eqqumaffigigaat paasisutissiissutigaa. Naalakkersuisut ataavartumik Aningaasaqarnermut Akileraartarnermullu Ataatsimiititaliamik sullissinissamik isumaqatigiissusiornermi suliat

ineriartornerannik ilisimatitsisarput, tassunga ilanngjullugit saqqummiussissutit, ilisimatitsissut kiisalu isumasioqatigiittarnerni.

Aningaasaqarnermut Akileraartarnermullu Ataatsimiititaliaq arlaleriarluni sullissinissamik isumaqatigiissutini sivitsuinissamik periarfissamik ilanngussinerup patsisaanik ilisimatinneqartarput, tamannalu Namminersorlutik Oqartussanut qinigassaavoq, sullissisut pisinnaatitaaffeqarfiginngisaat. Tassungalu atatillugu Aningaasaqarnermut Akileraartarnermullu Ataatsimiititaliaq 2016-imi upernaakkut sivitsuinissamik periarfissap atorneqarnissaa Aningaasaqarnermut Akileraartarnermullu Ataatsimiititaliap nutaamik piginnaatitsissusiitinnagu Naalakkersuisut suliarisinnaanngikkaat Aningaasaqarnermut Akileraartarnermullu Ataatsimiititaliamut ilisimatitsissutigaat.

Taamaammat aningaasaqarnermut inatsimmi oqaasertaliinikkut piginaatitsissutinik isiginngitsuusaarisimanerannik Aningaasaqarnermut Akileraartarnermullu Ataatsimiititaliap isumaqarnera Naalakkersuisut isumaqatiginngilaat. Naalakkersuisullu piginnaatitsissut qaangerlugu iliuseqarsimasorinngillat.

Naggasiullugu Aningaasaqarnermut Akileraartarnermullu Ataatsimiititaliap isumaliutissiissummini Naalakkersuisunut ataasiakkaanik inersuussuteqarnera Naalakkersuisut maluginiarpaat. Innersuutit taakku Naalakkersuisut tusaatissatut tiguaat.

Inatsisissatut siunnersuutip isumaqatigiilluni taperserpeqarnera Naalakkersuisut naggasiullugu qujassutigiumavaat.

Taama oqaaseqarlunga inatsisissatut siunnersuut Inatsisartunut suliassanngortippara.